



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

Dedicatio operis.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)



DEDICATIO OPERIS.

SANCTISSIMA VIRGO
MATER DEI, COELI TER-
RÆ QUE REGINA,



Isto me tibi ad
Sacratissimos Tuæ
Majestatis pedes
supplicem ; & ne
vacuus appaream,
libellum affero cō-
solationibus ple-
num quibus afflictæ animæ vel libe-
rare se omninè possint à malis quæ
patiuntur, vel ea mitigare. Collegi
velut in fasciculum, quæ mihi do-
nasti sensa ad abstergendas seruo-
rum tuorum quas in sinum meum
effundebant lacrimas. Et verè affir-
mare possum, eorum afflictiones
nunquam fuisse tam graves, quin
relevarentur, nonnunquam etiam

† 2 tran-

DEDICATIO

transirent in jucundissimas voluptates, ex dulcedine inspirationum tuarum quas tunc animo meo impressas, postea etiam calamo expressi. Hoc in exercitio annos aliquot exegi serviens Congregationi tuo nomini dicatæ, ad quam complures ventitabant tuarum cupidi gratiarum & Divini Verbi quod ori meo inditum volebas ut eorum mentibus insererem. Hæc eadem isthoc in opusculo **TIBI** nunc repræsento nihil in eo agnoscens meum nisi ingenii tenuitatem in concipiendo, & in eloquendo infantiam. Tuum est quia totum de Tuo, idcirco Tuus restituo manibus; sed & Tuum est quia ego Tuus & toties Tuus quot momentis vixi, totidemque titulis quot beneficiis per te cœlestibus obstructus. Nam cum Autor & Vitæ & Gratia **TE MATREM** habeat, utramque ad **TE** utriusque mini Parentem

OPERIS.

rentem referre debeo. Benedic ergo ô Virgo MATER huic operi, & verbis tuis largite virtutem, afflictisque animos qui ista legent, præpara, ut hîc inveniant malorum suorum levamen, & bonorum omnium fontem. Fac ut spes suas & desideria à terrenis abstracta, ad eum convertant qui cœlum terramque condidit, qui naturam nostram ex TE assumpsit, ut suam nobis communicaret, qui fieri dignatus est Frater noster & Filius Tuus ut eundem Patrem eandemque MATREM habeamus tam in cœlo quàm in terra. Utrique sit laus, gloria, & gratiarum actio in perpetuas æternitates. Amen.

FACULTAS R. P. PROVINCIALIS, ET PRIVILEGIUM CÆSAREUM.

E GO JOANNES Zwenbrüggen Societatis JESU per Provinciam Rheni Inferio-

† 3

ferio

ferioris Præpositus Provincialis Tractatum,
de FIDUCIA IN DEUM in quatuor li-
bros divisum auctore R. P. NICOLA O
dri Saült Gallice scriptum, & nunc in
Latinam linguam à P. FRANCISCO ROVÆO,
utroque Societatis JESU Sacerdote trans-
latum, consuetoque more censum, ac pro-
batum, juxta potestatem ab Adm. R. P. N.
GOSVINO Nickel Generali Præposito
mihi concessam, imprimendi facultatem,
Cæsareoque privilegio utendi jus indulgeo
Wilhelmo Friessem Civi, ac Bibliopola
Coloniensi, ut eo invito librum hunc recu-
dere, vel intra Sacri Romani Imperii fines,
& hereditarias S. Cæsareæ Majestatis
Provincias importare, aut venum exponere
nemini liceat. Hanc facultatem manu meâ,
& officii sigillo consignatam dabam Colo-
niæ 20. Martii. Anno 1660.

JOANNES Zwenbrüggen.

APPROBATIO DOCTORUM.

EGO infra-scriptus in sacra Theologia
Facultate Parisiensi Doctor, Ecclesiæ
Cathedralis Lemovicensis Canonicus, Of-
ficialis, & Vicarius Generalis Ill. mi &
Rev. mi D. Francisci de la Fayette, Lemovi-
censis

ensis Episcopi, fidem facio lectum à me
Tractatum de fiducia in DEUM, in qua-
tuor libros distributum, compositum à R. P.
NICOLAO du SAULT, Societatis IESU, &
Theologiae moralis in Collegio ejusdem urbis
Lemovicensis Professore. Considerationes in-
ibi explicatae, meo iudicio, sunt utilissimae,
magni momenti, & salutares: doctrina or-
thodoxa & Catholica: argumenta, indu-
ctiones, & conclusiones deductae ex puris
fontibus Theologiae scholasticae, positivae
& moralis. Lector hic reperiet theoriam &
praxin veram, unicam, & solidam quietis cogita-
tionum affectuumque humanorum, & secure in-
habitare poterit domum Evangelicam, quae
nullis sit obnoxia cuniculis, suffossionibus,
procellis, & tempestatibus. Hic maximae acer-
bitates mutantur in admirabiles suavitates,
consolationes fortiores sunt doloribus, &
validissimi quique incursum afflictionum &
tribulationum retunduntur armis omnipo-
tentibus, quibus bonus DEUS eos muni-
re consuevit, qui se ipsius tutelae ac benigni-
tati permittunt. Privarem Lectorem fructu
& voluptate, quam plurimam capiet, ex
Authore ejusque opere, si pluribus animi
mei sententiam declararem; cui subscripsi in
urbe Lemovicensi, 23. Maii. Anno 1637.

I. BANDEL.

EGo infrascriptus Doctor Theologus
Facultatis Parisiensis, & Curio Civita-
tis, & Parochiæ Treignacensis apud inferio-
res Lemovices, testor legisse me *Traclatum*
de fiducia erga DEVM, in quatuor libros
divisum, auctore R. P. NICOLAO du
SAULT, Theologo Societatis JESU, & in
Collegio Lemovicensi casuum Conscientiæ Pro-
fessore; eundemque reperisse non modò
consentientem doctrinæ Ecclesiæ Catholi-
cæ, & Romanæ; verùm etiam refertum in-
numeris documentis cuiusvis hominum ge-
neri profuturis ad pacem & tranquillitatem
animi conservandam, quibus adversus om-
nes hujus vitæ afflictiones pro vallo & mu-
nimento utantur. Quâ in re, meâ quidem
sententiâ, longè excellit pulcherrimis qui-
busque argumentis è Philosophia Stoicâ pe-
titis; idque tantò gloriosius, quantò princi-
pia, quibus nititur, absque comparatione
certiora sunt axiomatis sapientiæ humanæ,
rationes ipsius efficaciores, incitamenta per-
fectiora, quæque viâ modoque planiore &
securiore deducunt ad finem longè felicio-
rem. Ita censeui & subscripsi Treigniaci 12.
Maii. Anno 1637.

DE SAINT PERE.

ADMONI-